 XUNTA DE GALICIA	PLAN CAMGAL	Capítulo
	Vixencia	VIII Versión 0

1 VIXENCIA

Segundo o previsto no artigo 6 do Decreto 155/2012, do 5 de xullo, polo que se regula a estrutura e organización do Plan territorial de continxencias por contaminación mariña accidental da Comunidade Autónoma de Galicia, o Plan CAMGAL unha vez aprobado terá unha vixencia de catro anos e será sometido a revisión antes de que remate o dito prazo.

O Plan debe de manter a súa utilidade ao longo do tempo garantindo que os procedementos de actuación previstos sexan operativos, adoptando as modificacións necesarias nas materias relacionadas co mesmo. En función da natureza, magnitude e repercusión das modificacións considéranse dous procesos diferenciados: as revisións e as actualizacións.


2 REVISIÓN

Antes de que transcorran catro anos dende a aprobación do Plan CAMGAL, ou sempre que se estime oportuno por razóns de forza maior, a dirección do mesmo levará a cabo as actuacións pertinentes para a súa revisión.

2.1 Comisión de revisión

A presidencia do Plan ordenará ao/á director/a a creación dunha comisión encargada de realizar os traballos de revisión e seguimento de resultados na aplicación práctica do Plan segundo as seguintes premisas:

- Os/as coordinadores de operacións formarán parte da comisión de traballo na que estarán tamén representadas todas as administracións implicadas no Plan CAMGAL.
- A comisión de traballo estará coordinada pola persoa responsable da Unidade de documentación e apoio científico do INTECMAR que será a encargada de presentar o texto revisado á dirección do Plan.
- A comisión de traballo poderá utilizar calquera medio telemática para o desenvolvemento do seu traballo.

 XUNTA DE GALICIA	PLAN CAMGAL	Capítulo
	Vixencia	VIII Versión 0

- A comisión de traballo avaliará as recomendacións de mellora recollidas nos informes finais de actuación das continxencias que tiveran lugar durante o período de vixencia. Así mesmo, considerará as recomendacións recollidas nos informes de avaliación dos exercicios levados a cabo segundo os programas de adestramento no período de vixencia.
- A comisión incorporará no novo texto os cambios legislativos oportunos así como calquera outra modificación que supoña unha mellora na aplicación práctica do Plan.
- A comisión se asegurará de que o texto revisado conteña todas as actualizacións realizadas ao longo da vixencia do Plan.
- Unha vez revisado o texto, o/a coordinador/a da comisión presentará baixo a supervisión da dirección do Plan, o novo texto á consellería competente na materia de loita contra a contaminación mariña accidental dentro dos tres meses anteriores ao vencemento do Plan CAMGAL vixente.


2.2 Aprobación do texto revisado

A consellería competente na materia de loita contra a contaminación mariña accidental levará a cabo as accións necesarias para que o novo texto do Plan CAMGAL elaborado pola comisión de traballo sexa aprobado por acordo do Consello da Xunta de Galicia.

A dirección do Plan será a responsable de custodiar as copias orixinais do Plan vixente.

3 ACTUALIZACIÓNS

Co obxectivo de que o Plan sexa un documento dinámico e áxil na súa operatividade, ademais das revisións periódicas establecidas no punto anterior, o Plan CAMGAL poderá ser actualizado en calquera momento, por proposta das administracións implicadas nel, como consecuencia dos cambios legislativos que obriguen á actualización deste ou dos avances tecnolóxicos ou melloras que se produzan na loita

 XUNTA DE GALICIA	PLAN CAMGAL	Capítulo
	Vixencia	VIII Versión 0

contra a contaminación mariña. As actualizacións levaranse a cabo segundo as seguintes premisas:

- As actualizacións non suporán cambios na estrutura e organización do Plan.
- A Unidade de documentación e apoio científico do INTECMAR recompilará baixo a supervisión dos/das coordinadores de operacións toda a documentación técnica, científica e operacional no ámbito da contaminación mariña accidental que puidera repercutir nunha mellora para o Plan CAMGAL e a incorporará axeitadamente ao texto vixente presentándoo a dirección do Plan.
- O/A director/a do Plan aprobará as actualizacións que estime oportunas informando das mesmas ao/á presidente e demais integrantes do Plan.